

PERSATUAN SCRABBLE
MALAYSIA

(MALAYSIAN SCRABBLE
ASSOCIATION)

Reg. No. 5607/94 (Selangor)

CONSTITUTION

PERLEMBAGAAN BADAN SUKAN
PERINGKAT KEBANGSAAN

UNDANG-UNDANG DIDAFTAR MENURUI
SUJIL BH. 2200/2009
TARIKH: 16.7.2009.
PESURUHJAYA SUK
MALAYSIA

**PERLEMBAGAAN BAGI PERSATUAN SCRABBLE MALAYSIA /
MALYSIAN SCRABBLE ASSOCIATION**

FASAL 1. NAMA

Badan Sukan ini dikenali dengan nama Persatuan Scrabble Malaysia / Malaysian Scrabble Association atau ringkasnya disebut sebagai MSA di dalam Perlembagaan ini.

FASAL 2. ALAMAT DAN TEMPAT URUSAN

2.1 Alamat Berdaftar

Alamat berdaftar Persatuan Scrabble Malaysia / Malaysian Scrabble Association ialah di 286-08-06, Blok C, Heritage Condo, Jalan Pahang, Setapak 53000 Kuala Lumpur.

2.2 Alamat Urusan.

Alamat urusan Persatuan Scrabble Malaysia / Malaysian Scrabble Association ialah di 286-08-06, Blok C, Heritage Condo, Jalan Pahang, Setapak, 53000 Kuala Lumpur.

2.3 Alamat berdaftar dan alamat urusan ini tidak boleh diubah tanpa kelulusan Jawatankuasa Induk Persatuan dan hanya boleh dikuatkuasakan setelah mendapat kebenaran bertulis daripada Pesuruhjaya Sukan Malaysia.

FASAL 3. DEFINISI

3.1. Persatuan bermakna Persatuan Scrabble Malaysia.



- 3.2. **MESYUARAT AGUNG TAHUNAN** bermakna mesyuarat yang **wajib** diadakan oleh Persatuan ini pada tiap-tiap tahun seperti yang disebutkan dalam fasal 12.2 Perlembagaan ini.
- 3.3. **JAWATANKUASA INDUK** bermakna Jawatankuasa Induk bagi Persatuan seperti yang disebutkan dalam fasal 15 Perlembagaan ini.
- 3.4. **JAWATANKUASA** bermakna Jawatankuasa yang sah dibentuk atau dilantik di bawah Perlembagaan ini mengikut Fasal 17.
- 3.5. **PEJABAT** bermakna alamat berdaftar Persatuan seperti yang ditetapkan dalam Fasal 2 Perlembagaan ini.
- 3.6. **AHLI PERSATUAN** bermakna ahli yang disebutkan dalam fasal 6 Perlembagaan ini..
- 3.7. **PESURUHJAYA** bermakna Pesuruhjaya Sukan yang dilantik di bawah Seksyen 10 Akta Pembangunan Sukan 1997.

FASAL 4. OBJEKTIF DAN MATLAMAT

- 4.1. Untuk menggalakkan dan membangunkan sukan **Scrabble** di peringkat Kebangsaan.
- 4.2. Untuk mengekalkan hubungan baik dan kedudukan baik dengan semua badan pengelola dan pengawalseliaan antarabangsa bagi sukan Scrabble.
- 4.3. Untuk memastikan prosedur pemilihan bagi ahli sukan, pegawai, jurulatih dan mana-mana orang lain untuk mewakili Negara dalam sukan Scrabble adalah terbuka dan adil.
- 4.4. Untuk mewakili Negara Malaysia dalam mana-mana pertandingan sukan Scrabble.



- 4.5. Untuk memastikan akaun teraudit sepenuhnya serta laporan tentang segala aktiviti, penggunaan dan perbelanjaan semua wangnya bagi tahun kewangan Persatuan yang sebelumnya, dikemukakan kepada Pesuruhjaya Sukan berserta dengan apa-apa laporan lain yang dikehendaki oleh Pesuruhjaya Sukan.
- 4.6 Untuk memastikan bahawa Perlembagaan dan kaedah-kaedah Persatuan dipatuhi dan diikuti oleh semua ahli.
- 4.7 Menjalankan sebarang kegiatan amal atau sebarang jenis perniagaan untuk tujuan menambah kewangan Persatuan, asalkan tidak bercanggah dengan undang-undang negara.
- 4.8 Semua wang keuntungan yang didapati oleh Persatuan daripada penyertaannya dalam mana-mana perniagaan atau pelaburan akan digunakan semata-mata untuk melanjutkan, memajukan dan menjalankan objektif dan matlamat Persatuan ini. Sungguhpun begitu, peruntukan ini tidak menghalang sebarang pembayaran yang dibuat dengan tujuan baik untuk membayar gaji atau perbelanjaan atau kedua-duanya kepada sebarang ahli atau pekerja Persatuan ini. Persatuan juga boleh menubuhkan Badan Perniagaan dan boleh memiliki harta benda dengan syarat keuntungan hendaklah dimasukkan dalam **Tabung Kewangan Persatuan**.
- 4.9 Untuk menjalankan aktiviti tanpa diskriminasi tentang jantina, ras, warna kulit, agama, asal-usul, bahasa, kecenderungan politik atau apa-apa pandangan lain yang dipegang oleh anggota.

FASAL 5. LOGO /LAMBANG

Logo/lambang Persatuan ini adalah akronim Malaysian Scrabble Association (MSA) dibentuk menggunakan jubin Scrabble dengan warna yang terdapat pada jubin Scrabble. Warna kuning melambangkan tenaga mental dan pencarian intelektual dalam sukan Scrabble manakala warna hitam pada setiap abjad melambangkan keyakinan diri.



FASAL 6. KEAHLIAN

Keahlian Persatuan ini terbuka kepada warganegara Malaysia dan terbahagi kepada lima (5) kategori seperti berikut:

6.1 Ahli Gabungan

6.1.1 Terdiri dari persatuan-persatuan sukan Scrabble di peringkat negeri yang sah berdaftar di Pejabat Pesuruhjaya Sukan dan boleh mengundi serta diundi di dalam persatuan masing-masing.

6.1.2 Terdiri dari gabungan kelab-kelab sukan Scrabble di peringkat negeri yang sah berdaftar di Pejabat Pesuruhjaya Sukan dan boleh mengundi serta diundi di dalam kelab masing-masing.

6.2. Ahli Individu

Terdiri daripada ahli-ahli individu yang berbayar, boleh mengundi dan diundi.

6.3 Ahli Remaja

Terdiri daripada pelajar-pelajar berumur 20 tahun ke bawah tetapi tidak boleh mengundi dan diundi.

6.4 Ahli Kehormat

Individu-individu yang pernah berjasa kepada Persatuan atau individu-individu yang boleh memberi sumbangan kepada persatuan yang dilantik oleh Jawatankuasa Induk.

6.5 Ahli Seumur Hidup

Terdiri daripada ahli-ahli individu yang membayar yuran seumur hidup, boleh mengundi dan diundi.



FASAL 7. YURAN KEAHLIAN

7.1 Setiap ahli baru hendaklah membayar yuran pendaftaran dan tahunan kepada Persatuan seperti berikut :-

| Bil. | Jenis Ahli | Yuran Pendaftaran | Yuran tahunan |
|------|-------------------|-------------------|---------------|
| 1. | Ahli Gabungan | RM 10.00 | RM 150.00 |
| 2. | Ahli Individu | RM 10.00 | RM 30.00 |
| 3. | Ahli Remaja | RM 10.00 | RM 15.00 |
| 4. | Ahli Kehormat | RM 0.00 | RM 0.00 |
| 5. | Ahli Seumur Hidup | RM 300.00 | RM 0.00 |

7.2 Yuran tahunan hendaklah dibayar tidak lewat dari 1 Februari tiap-tiap tahun kepada Bendahari. Sekiranya yuran itu tidak dibayar, ahli yang berkenaan tidak boleh menghadiri Mesyuarat Agung Tahunan dan tidak boleh mengundi dan diundi.

7.3 Sekiranya yuran tahunan tidak dijelaskan dalam tempoh satu (1) tahun dari 1 Februari tiap-tiap tahun tanpa alasan yang munasabah, Jawatankuasa Induk berhak membatalkan keahlian ahli yang berkenaan.

7.4 Sekiranya ahli yang telah dibatalkan keahliannya ingin menjadi ahli semula, beliau dikehendaki untuk mengemukakan permohonan baru dengan menyertakan bayaran yuran pendaftaran, yuran tahunan dan penalti sebanyak RM 10.00. Permohonan ini tertakluk kepada kelulusan Jawatankuasa Induk.

FASAL 8. PERMOHONAN MENJADI AHLI

Semua permohonan menjadi ahli hendaklah dibuat secara bertulis dengan mengisi borang dan dikemukakan kepada Setiausaha. Jawatankuasa Induk boleh meluluskan atau menolak sebarang permohonan tanpa memberi alasan.



FASAL 9. KEISTIMEWAAN DAN HAK AHLI

- 9.1. Tiap-tiap ahli Persatuan dibenarkan menyertai dalam segala kegiatan yang dianjurkan oleh Persatuan ini.
- 9.2. Setiap ahli Persatuan berhak menerima dengan percuma satu salinan Perlembagaan Persatuan sekali sahaja semasa pendaftaran.

FASAL 10. HAK MENGUNDI DALAM MESYUARAT AGUNG

10.1 Ahli Gabungan

Semua ahli gabungan yang membayar yuran sebelum 1 Februari adalah berhak untuk menghadiri Mesyuarat Agung Tahunan dan berhak menghantar 3 orang wakil ke Mesyuarat Agung Tahunan dan berhak mengundi tetapi tidak berhak diundi dalam mesyuarat tersebut.

10.2 Ahli Individu

Semua ahli individu yang membayar yuran sebelum 1 Februari tahun tersebut adalah berhak untuk menghadiri Mesyuarat Agung Tahunan dan boleh mengundi dan diundi dalam mesyuarat tersebut.

10.3 Ahli Remaja

Ahli Remaja tidak berhak mengundi dan diundi tetapi boleh menghadiri Mesyuarat Agung Tahunan.

10.4 Ahli Kehormat

Ahli Kehormat tidak berhak mengundi dan diundi tetapi boleh menghadiri Mesyuarat Agung Tahunan sebagai pemerhati.

- 10.5 Nama-nama wakil ahli gabungan yang dipilih bagi menghadiri Mesyuarat Agung Tahunan hendaklah disampaikan secara bertulis kepada Setiausaha sekurang-kurangnya tujuh (7) hari sebelum Mesyuarat Agung Tahunan diadakan.



10.6 Ahli Seumur Hidup

Semua Ahli Sepanjang Hayat perlu membayar yuran sebanyak Satu (1) kali sahaja dan adalah berhak untuk menghadiri Mesyuarat Agung Tahunan dan boleh mengundi dan diundi dalam mesyuarat tersebut.

FASAL 11. PEMBERHENTIAN DAN PEMECATAN AHLI


11.1 Mana-mana ahli Persatuan yang membuat permohonan bertulis untuk berhenti menjadi ahli dan permohonannya itu diluluskan oleh Jawatankuasa Induk Persatuan adalah dianggap sebagai telah berhenti menjadi ahli Persatuan.

11.2 Setiap ahli Persatuan yang didapati menjalankan sesuatu kegiatan yang bertentangan dengan Perlembagaan Persatuan, salah tingkahlaku, bolehlah dipecat atau digantung keahliannya bagi sesuatu tempoh sebagaimana yang difikirkan munasabah oleh Jawatankuasa Tatatertib. Sebelum tindakan sedemikian ahli itu hendaklah diberikan surat tunjuk sebab. Pemecatan atau penggantungan itu hendaklah berkuatkuasa dari tarikh yang ditetapkan oleh Jawatankuasa Tatatertib. Ahli yang berkenaan boleh mengemukakan rayuan kepada Jawatankuasa Induk dalam tempoh masa empat belas(14) hari dari tarikh keputusan Jawatankuasa Tatatertib. Jawatankuasa Induk mempunyai kuasa sama ada untuk menerima, menolak atau membuat apa-apa keputusan yang lain berhubung dengan rayuan tersebut dan keputusan Jawatankuasa Induk adalah muktamad.

FASAL 12. MESYUARAT AGUNG TAHUNAN

12.1 Mesyuarat Agung Tahunan adalah badan yang tertinggi dan menyeluruh bagi Persatuan ini berdasarkan kepada objektif dan matlamatnya.

12.2 Mesyuarat Agung Tahunan hendaklah diadakan tidak lewat dari tarikh 31 Mac tiap-tiap tahun pada tarikh dan tempat yang akan ditetapkan oleh Jawatankuasa Induk. Sekurang-kurangnya dua puluh satu (21)



hari notis hendaklah diberikan secara bertulis oleh Setiausaha kepada semua ahli Persatuan. Notis itu hendaklah disertakan dengan agenda mesyuarat bersama-sama dengan semua salinan dokumen yang dinyatakan dalam agenda tersebut.

- 12.3 Kuorum Mesyuarat Agung Tahunan hendaklah dihadiri oleh tidak kurang dari satu pertiga (1/3) daripada bilangan keahlian yang layak mengundi. Sekiranya korum tidak mencukupi selepas satu (1) jam dari masa yang ditetapkan, maka Mesyuarat itu hendaklah ditunda kepada tarikh baru dalam tempoh tiga puluh (30) hari. Sekiranya korum masih tidak mencukupi pada tarikh baru mesyuarat itu, maka ahli-ahli yang hadir bolehlah meneruskan mesyuarat tetapi **tidak berkuasa untuk meminda perlembagaan.**
- 12.4 Setiausaha hendaklah menghantar kepada semua ahli dan Pesuruhjaya Sukan salinan Penyata Tahunan Mesyuarat Agung Tahunan dalam tempoh tiga puluh (30) hari setelah selesai mesyuarat itu.
- 12.5 Pemilihan jawatan induk dilakukan pada setiap dua (2) tahun sekali.

FASAL 13. TUGAS MESYUARAT AGUNG

13.1 AGENDA MESYUARAT AGUNG TAHUNAN

Mesyuarat Agung Tahunan mestilah mengandungi antara lain agenda-agenda berikut :-

- i. menerima dan mengesahkan minit Mesyuarat Agung yang lepas;
- ii. menerima dan meluluskan Laporan Jawatankuasa berkenaan kegiatan persatuan dalam sepanjang tahun yang lalu;
- iii. menerima dan meluluskan laporan Bendahari dan Penyata Kewangan yang telah diaudit bagi tahun yang lalu ;



- iv. menguruskan hal-hal lain yang dibentangkan di dalam Mesyuarat Agung Tahunan ; dan,
- v. memilih Jawatankuasa Induk yang baru mengikut fasal 15.1 Perlembagaan ini dan melantik dua (2) orang juruaudit mengikut fasal 21.1 Perlembagaan ini setiap dua (2) tahun sekali.

FASAL 14. MESYUARAT AGUNG KHAS

14.1 Mesyuarat Agung Khas bagi Persatuan ini boleh diadakan:

- i. bila difikirkan mustahak oleh Jawatankuasa atau dengan kehendak Presiden; atau
- ii. atas permintaan beramai-ramai dengan bertulis oleh tidak kurang daripada separuh (1/2) daripada jumlah ahli yang berhak mengundi dengan menerangkan tujuan-tujuan dan sebab-sebabnya.

14.2 Mesyuarat Agung Khas yang diminta oleh ahli-ahli hendaklah diadakan pada satu tarikh dalam tempoh satu (1) bulan dari tarikh penerimaan permintaan mesyuarat.

14.3. Pengumuman dan agenda untuk Mesyuarat Agung Khas itu hendaklah diedarkan kepada semua ahli-ahli oleh Setiausaha sekurang-kurangnya dua puluh satu (21) hari sebelum tarikh yang ditetapkan untuk bermesyuarat.

14.4. Korum Mesyuarat Agung Tahunan boleh digunakan untuk Mesyuarat Agung Khas tetapi dengan syarat jika kuorum tidak mencukupi selepas setengah (1/2) jam dari waktu yang telah ditetapkan bagi mesyuarat itu maka mesyuarat itu hendaklah dibatalkan, dan sekurang-kurangnya enam (6) bulan daripada tarikh ini, Mesyuarat Agung Khas atas permintaan ahli-ahli dengan tujuan yang sama tidak boleh diadakan.



FASAL 15. JAWATANKUASA INDUK

15.1 Jawatankuasa Induk Persatuan hendaklah terdiri daripada :-

- i. seorang(1) Presiden ;
- ii. dua (2) orang Naib Presiden ; dan
- iii. tujuh (7) orang Ahli Jawatankuasa .

15.2 Setiausaha, Penolong Setiausaha, dan Bendahari dan seorang(1) wakil setiap negeri adalah dilantik oleh Presiden dengan persetujuan Jawatankuasa Induk dalam Mesyuarat pertama Jawatankuasa Induk selepas Mesyuarat Agung Tahunan tetapi kesemua mereka tidak mempunyai hak mengundi dan diundi.

15.3 Pemegang-pemegang jawatan dalam Jawatankuasa Induk dan dalam Jawatankuasa-Jawatankuasa yang lain hendaklah :-

- i. berumur dua puluh (20) tahun ke atas;
- ii. bukan seorang yang muflis;
- iii. tidak pernah dikenakan tindakan disiplin oleh mana-mana badan sukan dalam tempoh lima (5) tahun yang lalu;
- vi. tidak disabitkan kesalahan jenayah dalam tempoh lima (5) tahun yang lalu; dan
- v. sempurna akal.

15.4 Mana-mana pemegang jawatan yang di dakwa di Mahkamah atas pertuduhan jenayah hendaklah meletakkan jawatannya serta-merta.

FASAL 16. TUGAS-TUGAS JAWATANKUASA INDUK

16.1. Melantik Pengerusi Jawatankuasa-Jawatankuasa.

16.2. Menkuatkuasakan dasar-dasar dan keputusan Mesyuarat Agung Tahunan atau khas.

16.3. Mengurus dan mentadbir Persatuan dan menjalankan program-program Persatuan.



- 16.4. Mengkaji dan meluluskan perbelanjaan pentadbiran dan program-program yang diluluskan.
- 16.5. Meluluskan peraturan-peraturan baru atau yang dipinda untuk di bahas dalam Mesyuarat Agung Tahunan atau khas.
- 16.6. Menimbang rayuan keputusan Jawatankuasa Tatatertib bagi ahli-ahli Persatuan.
- 16.7. Membuat lantikan dan pemecatan kakitangan pengurusan yang bergaji.
- 16.8. Menimbang permohonan menjadi ahli Persatuan.

FASAL 17. JAWATANKUASA-JAWATANKUASA

- 17.1. Jawatankuasa Kewangan;
- 17.2. Jawatankuasa Pembangunan;
- 17.3. Jawatankuasa Teknikal;
- 17.4. Jawatankuasa Pemilihan;
- 17.5. Jawatankuasa Pertandingan;
- 17.6. Jawatankuasa Tatatertib.

FASAL 18. TUGAS AHLI JAWATANKUASA INDUK

18.1. Presiden

Presiden dalam masa jawatannya hendaklah menjadi Pengerusi dalam semua mesyuarat Jawatankuasa Induk dan bertanggungjawab atas kesempurnaan perjalanan semua mesyuarat serta disiplin ahli-ahlinya dan berhak mengenakan tindakan tatatertib yang dianggap wajar dan menasabah kepada ahli-ahli yang melakukan kesalahan dan hendaklah dipersetujui oleh 1/3 daripada ahli yang hadir.

Presiden diberi kuasa untuk mengadakan mesyuarat jawatankuasa induk pada bila-bila masa dianggap perlu.



18.2 Timbalan Presiden

Timbalan Presiden hendaklah membantu Presiden melaksanakan tanggungjawab menguruskan pentadbiran Persatuan. Dia hendaklah memangku dan melaksanakan tanggungjawab Presiden selama ketiadaan Presiden.

18.3 Naib Presiden


Naib Presiden hendaklah membantu Presiden dan Timbalan Presiden dalam menguruskan pentadbiran Persatuan. Semasa ketiadaan Presiden dan Timbalan Presiden, Naib Presiden yang kanan hendaklah memangku jawatan tersebut.

18.4 Setiausaha

Setiausaha bertanggungjawab dalam segala pengurusan dan pentadbiran Persatuan mengikut Perlembagaan dan menjalankan arahan-arahan Mesyuarat Agung Tahunan atau Jawatankuasa Induk. Beliau bertanggungjawab mengenai surat-menyurat, menyimpan semua buku-buku, surat-surat dan kertas-kertas kecuali buku kira-kira dan buku kewangan. Dia hendaklah hadir dalam semua mesyuarat dan membuat catatan-catatan mesyuarat. Setiausaha hendaklah di dalam tempoh tiga puluh (30) hari selepas tarikh Mesyuarat Agung Tahunan menghantar penyata-penyata tahunan serta dokumen-dokumen yang perlu kepada Pesuruhjaya Sukan Malaysia sebagaimana yang dikehendaki di bawah Akta Pembangunan Sukan 1997.

18.5 Bendahari

Bendahari hendaklah membuat kutipan yuran pendaftaran dan keahlian, menyimpan semua rekod dan buku kira-kira. Beliau juga bertanggungjawab untuk memastikan ketepatan butiran di dalam semua rekod dan buku kira-kira.



18.6 Ahli Jawatankuasa

Ahli Jawatankuasa hendaklah mempengerusikan Jawatankuasa-jawatankuasa yang ditubuhkan di bawah fasal 17 dan menjalankan tugas seperti yang diarahkan oleh Presiden.

18.6.1 Tugas Pengerusi Jawatankuasa-Jawatankuasa

i. Jawatankuasa Kewangan

Pengerusi Jawatankuasa ini hendaklah mempengerusikan semua mesyuarat Jawatankuasa dan melantik Ahli Jawatankuasa nya. Tugas utama Jawatankuasa ini ialah mencari sumber pendapatan Persatuan seperti tajaan, bantuan dari kerajaan, derma atau cara-cara lain yang sah dari segi undang-undang Persatuan dan undang-undang negara.

ii. Jawatankuasa Pembangunan

Pengerusi Jawatankuasa ini hendaklah mempengerusikan semua mesyuarat Jawatankuasa dan melantik Ahli Jawatankuasa nya. Tugas utama Jawatankuasa ini ialah menganjurkan program-program pembangunan dan latihan serta termasuk pembangunan pegawai dan jurulatih.

iii. Jawatankuasa Teknikal

Pengerusi Jawatankuasa ini hendaklah mempengerusikan semua mesyuarat Jawatankuasa dan melantik Ahli Jawatankuasa nya. Tugas utama Jawatankuasa ini ialah untuk menyemak, menyelaras dan menguatkuasakan kaedah-kaedah dan peraturan-peraturan sukan.



iv. Jawatankuasa Pemilihan

Pengerusi Jawatankuasa ini hendaklah mempengerusikan semua mesyuarat Jawatankuasa dan melantik Ahli Jawatankuasa nya. Tugas utama Jawatankuasa ini ialah memilih pemain-pemain untuk diperakukan kepada Jawatankuasa induk bagi mewakili Persatuan dalam sukan Scrabble dalam pertandingan-pertandingan .

v. Jawatankuasa Pertandingan

Pengerusi Jawatankuasa ini hendaklah mempengerusikan semua mesyuarat Jawatankuasa dan melantik Ahli Jawatankuasa nya. Tugas utama Jawatankuasa ini ialah mengelolakan pertandingan-pertandingan di peringkat Kebangsaan.

vi. Jawatankuasa Tatatertib

Pengerusi Jawatankuasa ini hendaklah mempengerusikan semua mesyuarat Jawatankuasa Tatatertib dan melantik Ahli Jawatankuasa nya. Tugas utama Jawatankuasa ini ialah untuk memutuskan kes-kes berhubung salah laku ahli dan menjatuhkan hukuman terhadap ahli berkenaan.

FASAL 19. MESYUARAT JAWATANKUASA INDUK

19.1 Jawatankuasa Induk hendaklah bermesyuarat sekurang-kurangnya sekali di dalam masa **tiga (3)** bulan. Notis bagi tiap-tiap mesyuarat hendaklah diberikan kepada ahli-ahli tujuh (7) hari terlebih dahulu. Presiden dengan bersendirian atau tidak kurang daripada empat (4) orang Jawatankuasa bersama-sama boleh memanggil supaya diadakan Mesyuarat Jawatankuasa Induk pada bila-bila masa.



19.2 Sekurang-kurangnya lima (5) daripada bilangan Ahli Jawatankuasa Induk hendaklah hadir bagi mengesahkan perjalanan dan mencukupkan korum mesyuarat.

FASAL 20. KEWANGAN

20.1 Sumber kewangan Persatuan boleh diperolehi melalui :-

- i. yuran tahunan dan penalti kemasukan semula;
- ii. derma dan tajaan;
- iii. bantuan dari kerajaan atau badan-badan berkanun ;
- iv. hasil-hasil perniagaan Persatuan; dan
- v. sumber-sumber lain yang dibenarkan oleh undang-undang negara.

20.2. Pendapatan Persatuan yang diperolehi hendaklah digunakan bagi tujuan mencapai objektif dan matlamat Persatuan dan ahli-ahlinya seperti yang disebut dalam Perlembagaan ini.


20.3. Semua cek Persatuan hendaklah ditandatangani oleh **Bendahari dan Presiden atau Setiausaha** .

20.4. Perbelanjaan yang lebih daripada **RM 2,500.00** bagi sesuatu masa tidak boleh dibayar tanpa kelulusan terlebih dahulu oleh Jawatankuasa Induk.

20.5. Perbelanjaan kurang daripada **RM 2,500.00** bagi sesuatu masa boleh dibayar tanpa kelulusan terlebih dahulu oleh Jawatankuasa Induk.

20.6. Bendahari boleh menyimpan wang runcit tidak lebih daripada **RM 500.00** dalam sesuatu masa. Wang yang lebih daripada jumlah itu mesti dimasukkan ke dalam akuan Persatuan.

20.7. Penyata dari hal wang diterima dan dibelanjakan berserta Lembaran Imbangan bagi setahun hendaklah disediakan oleh Bendahari dan diperiksa oleh Juruaudit mengikut Perlembagaan dengan seberapa



segera setelah tamat tahun kewangan. Penyata kira-kira yang diaudit hendaklah dikemukakan untuk kelulusan Mesyuarat Agung yang berikutnya dan salinan-salinannya hendaklah diedarkan untuk makluman ahli-ahli Persatuan.

20.8. Tahun kewangan Persatuan ini ialah dari 1 Januari hingga 31 Disember pada tiap-tiap tahun.

FASAL 21. JURUAUDIT

21.1 Dua(2) orang yang bukannya Ahli Jawatankuasa Induk boleh dilantik semasa Mesyuarat Agung Tahunan sebagai Juruaudit. Mereka akan memegang jawatan selama dua (2) tahun dan boleh dilantik semula. Tugas Juruaudit ialah membuat pemeriksaan terhadap penyata kewangan Persatuan dan membuat laporan dan pengesahan penyata-penyata yang berkaitan dengan kewangan.

21.2 Mesyuarat Agung Tahunan boleh juga melantik Firma Audit yang bertauliah bagi menjalankan kerja-kerja auditan Persatuan sekiranya perlu.

FASAL 22. TAFSIRAN UNDANG-UNDANG

Jawatankuasa Induk boleh memberikan tafsirannya kepada Perlembagaan ini. Jawatankuasa Induk boleh memutuskan perkara-perkara yang tidak terkandung di dalam Perlembagaan ini sekiranya mustahak.

FASAL 23. PERTIKAIAN DALAMAN

Adalah menjadi tugas Jawatankuasa Tatatertib dengan kerjasama Jawatankuasa Induk untuk menyelesaikan apa-apa pertikaian yang timbul di kalangan anggotanya, mengikut prosedur, peraturan atau kaedah dalaman Persatuan.



FASAL 24. PENAUNG/PENASIHAT

- 24.1. Jawatankuasa Induk boleh juga melantik orang-orang yang layak menjadi penaung atau penasihat bagi Persatuan ini, sekiranya perlu.
- 24.2. Penaung atau Penasihat tiada kuasa untuk mengundi dan membuat keputusan bagi pihak Persatuan.

FASAL 25. PINDAAN PERLEMBAGAAN

- 25.1 Perlembagaan ini tidak boleh diubah atau dipinda kecuali dengan keputusan Mesyuarat Agung Tahunan atau Mesyuarat Agung Khas.
- 25.2 Permohonan untuk perubahan-perubahan atau pindaan kepada Perlembagaan hendaklah dibuat kepada Pesuruhjaya Sukan Malaysia dalam masa tiga puluh (30) hari dari tarikh keputusan mesyuarat yang memutuskan perihal perubahan atau pindaan tersebut. Perubahan atau pindaan kepada Perlembagaan ini tidak boleh dikuatkuasakan selagi tidak mendapat kelulusan Pesuruhjaya Sukan Malaysia.

FASAL 26. LARANGAN

- 26.1 Segala bentuk perjudian dan aktiviti-aktiviti yang bertentangan dengan Undang-undang Malaysia adalah dilarang dilakukan dalam mana-mana premis Persatuan.
- 26.2 Persatuan tidak boleh mencuba menghalang atau dengan apa cara juga mengganggu perniagaan atau mengambil peranan di dalam gerakan kesatuan sekerja seperti yang diterangkan ke dalam Ordinan Kesatuan Sekerja 1959.
- 26.3 Persatuan ini tidak boleh menjalankan loteri sama ada dikhaskan kepada ahli-ahli Persatuan atau tidak, atas nama Persatuan atau pemegang-pemegang jawatan tanpa kelulusan daripada Mesyuarat Agung Tahunan dan pihak berkuasa.



26.4 Persatuan tidak boleh terlibat dalam mana-mana kegiatan politik atau parti politik, atau bergabung atau mengadakan hubungan dengan apa jua parti politik dan menggunakan nama Persatuan dalam apa jua isu-isu politik.

FASAL 27. PEMBUBARAN

27.1 Persatuan ini boleh dibubarkan dalam Mesyuarat Agung khas dengan keputusan oleh dua pertiga(2/3) daripada ahli Persatuan.

27.2 Sekiranya Persatuan ini hendak dibubarkan secara yang disebut di atas, maka segala hutang dan tanggungan Persatuan yang sah mengikut undang-undang hendaklah dijelaskan dan baki wang atau harta benda (aset) yang tinggal hendaklah diserahkan kepada **Pemegang Amanah Raya Malaysia.**


27.3 Kenyataan bersabit dengan pembubaran itu hendaklah disampaikan kepada Pesuruhjaya Sukan Malaysia di dalam tempoh empat belas (14) hari dari tarikh pembubaran itu.

Disahkan betul:



MICHAEL WONG TICK POI

PRESIDEN



NIK ZURAIK B. ABDUL MAJID

SETIAUSAHA

Tarikh :

